



**SINDIKAT METALACA FEDERACIJE BOSNE i HERCEGOVINE**

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-15-II/24

Sarajevo, 08.02.2024. godine

**PREDSTAVNIČKI DOM  
PARLAMENTA FEDERACIJE BiH  
n/r predsjedavajući**

**DOM NARODA  
PARLAMENTA FEDERACIJE BiH  
n/r predsjedavajući**

**VLADA FEDERACIJE BiH  
n/r Nermin Nikšić, premijer**

Predmet: **ZAHTJEV**

Poštovani,

Sindikata metalaca Federacije BiH traži od Vlade i Parlamenta Federacije **HITNO** donošenje Zakona o minimalnoj plati, Zakona o doprinosima i Zakona o porezu na dohodak koji će umanjiti doprinose i porez i dovesti do rasta plata svih radnika!

Ne treba posebno isticati koliko je donošenje ovih zakona značajno za radnike u realnom, privatnom sektoru. Oni nemaju mogućnost da svoje, više nego opravdane zahtjeve za povećanje plata adresiraju prema federalnoj ili kantonalnim vladama, ali vlast može pomoći na ovaj način. Međutim, na donošenje pomenutih zakona, posebno Zakona o minimalnoj plati, predugo se čeka.

Ovi zakoni se moraju usvojiti u što kraćem roku kako bi stupili na snagu najkasnije od 01. jula 2024. godine.

Posebno ističemo da bi usvajanje pomenutih zakona dalo vjetar u krila inicijativi Sindikata metalaca za povećanje najniže satnice u Granskom kolektivnom ugovoru, kao i sličnim inicijativama ostalih industrijskih sindikata.

Skrećemo pažnju da je Sindikat metalaca Federacije BiH organizacija koja predstavlja skoro 14 hiljada radnika u metalnoj djelatnosti u Federaciji BiH, ili oko 60% od ukupnog broja. Radnika koji rade u teškim uslovima crne, obojene metalurgije, metaloprerade, autoindustrije i namjenske industrije. U djelatnosti koja najviše stvara novu vrijednost, najviše izvozi, puni budžete svih nivoa, ali i djelatnosti iz koje radnici najviše odlaze vani u potrazi za boljim uslovima rada. Ovo će imati nesagledive posljedice ne samo po metalni sektor, nego ekonomiju i naše društvo u cjelini.

Krajnje je vrijeme da aktuelna vlast ispuni prošle godine radnicima data obećanja. To bi, uz odricanje dijela prihoda od strane poslodavaca, što je zahtjev od kojeg sigurno nećemo odustati, moglo značajnije popraviti materijalni položaj metalaca ali i svih drugih radnika u realnom sektoru,

Vjerujemo da Vam je jasno koliki značaj i posljedice za status radnika, samim tim i preduzeća, ima Vaša odluka. kako se ova "ekonomska piramida" ne bi bespovratno urušila.

Valjda je do sada svima jasno da je to jedini način da zadržimo radnike u našoj zemlji ili da ih barem motivišemo da još jednom razmisle o svom o(p)stanku.

S poštovanjem,



*Salihović*  
**PREDSJEDNIK SM FBIH**  
**Almir Salihović**

Dostavljeno:

- Naslovu;
- UDRUŽENJE POSLODAVACA FBIH  
n/r Adnan Smailbegović, predsjednik;
- a/a.

